



**ATA OFISIAL DI INKONTRU  
REUNION DI KUMITE SKULAR DI BOSTON**

**(kuarta-fera, 14 di Setenbru di 2022)**

Kumité skular di Boston rializa um riunion rimota dia kuarta-fera, 14 di Setenbru di 2022 ,17 ora na Zoom. Pa mais informason sobri kualker un di kes itens listadus dibaixu, vizita [www.bostonpublicschools.org/schoolcommittee](http://www.bostonpublicschools.org/schoolcommittee), e-mail [feedback@bostonpublicschools.org](mailto:feedback@bostonpublicschools.org) ô tilifona pa o skritóriu di Kumité skular di Boston pa (617) 635-9014.

#### FREKUENSIA

Membrus di kumité skular Presentis: Prizidenti Jeri Robinson; y; Visi-Prizidenti Michael D. O'Neill; Brandon Cardet-Hernandez; Rafaela Polanco Garcia; y Quoc Tran.

Menbru di Kumité Skular Auzenti: Stephen Alkins

#### DUKUMENTUS APREZENTADUS

##### Ajenda

Ata di Riunion: 13 di Julhu di 2022; 10 di Agostu di 2022; 31 di Agostu di 2022

Subsidius pa apruvason na un total di \$959,498

Nota:BTU BPS SY 21-24 akordu di negusiason kuletivu

memorandu di akordu pa susesur di akordu kuletivu di negusiason pa periudu di 1 di Setenbru di 2021 31 di Agostu di 2024 entri Sindikatu di Prufesoris di Boston, Local 66, AFT-Massachusetts y School Committee di sidadi di Boston

BTU Akordu kuletivu di Negusiason Aprezontason na PowerPoint di Kumité na Power Point di School Committee

#### PIDIDU DI ORDI

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psoal. Sr. O' y Sra.Lopera falta. (Sr. O'Neill entra na runion imidiamenti dipos di

**Reunion rimotu di kumite Skular di Boston  
Zoom**

**(kuarta-fera, 14 di Setenbru di 2022)**

xamada numinal; Sra. Lopera e bem djunta a seson izekutivu en kursu). Tudu kes otus membrus staba prizenti.

Sra. Robinson anunsia ma Kumite ta adiaba imediatamenti un sison izikutivu ku propozitu di organizaba un sison stratéjiku rilasionadu ku nigusiason kuletivu ku Sindikatu di Profesoris di Boston y organiza un stratéjia pa litijiu relativu a Mission Hill K-8 Pilot School. Tem kel diskuson li na um runion abertu podia bem tem um efeitu prejudisial na puzison di negusiason di Kumité. E fla ma kumite ta volta pa seson publiku pa 19hr.

### ADISIONA À SESON EZEKUTIVU

**Aprovadu** - Pur xamada, Kumite vota unanimementi pa adiamentu pa un sison izikutivu ku objetivu di konduzi um seson di stratéjia relasionadu ku negusiason kuletivu ku Sindikatu di profesor is di Boston y stratéjia di litijiu relativu a Mission Hill K-8 Pilot School.

### VOLTA PA SISON PUBLIKU Y ORDEN DI XAMADA

Prezidenti Jeri Robinson volta a konvoka runion na seson publiku pur volta di 19:05 Dr. Alkins staba auzenti. Tudu kes otus membrus staba prizenti.

E anunsia ma kumité dja kaba di volta di um seson izekutivu ku objetivu di konduzi um seson stratéjika relasionadu ku negusiason kuletivu ku Sindikatu di Profisoris di Boston y litijiu pendenti relativu a Mission Hill K-8 Pilot School.

Sra. Robinson fla ki riunion di oji di noiti staba ta ser transmitida en diréту na Zoom. Ta ser ritransmitidu na TV di sidadi di Boston. També ta ser publikadu na [bostonpublicschools.org/schoolcommittee](http://bostonpublicschools.org/schoolcommittee) e na YouTube. E anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunes, Mandarim, Arabi Língua Jestual Amerikanu (ASL); intérpretis ta aprezena es mesmu y es da instruson na se língua maternu sobri modi asedi interpretason simultaniu atraves di mudansa na kanal Zoom. Dukumentus traduzidus di reunion sta postadu na [www.bostonpublicschools.org/schoolcommittee](http://www.bostonpublicschools.org/schoolcommittee) antis di inisio di riunion.

Sra. Robinson anunsia ki BPS inda ka resebi verson final di terseru fazi di relatóriu di Mission Hill K-8 Pilot School report. Pur konsiginti, aprezentason ajendadu pa es noti ta bem ser remarkadu pa um futuro runion. Suprentendenti intirinu Drew Echelson lamenta ki el y se ikipa ka konsigi aprezena furalmenti sobri tema sima planiadu, ta akresenta ki e ta spera resebi relatóriu final em brevi y prepara um aprezentason fural pa prósimu runion. E fla ma BPS dja kumesa ta identifka y aborda falhas di sistema ki leba a iventus diliniadus na relatóriu di fazi 1 na Mission Hill school. E konprumeti a mostra kal ki foi falhas di sistema y ki asons BPS sta ta toma pa kura es folha. Sra. Robinson fla ma ta binha ser importanti partilha ku publiku frakusus identifkadus na relatóriu, bem komu lisons aprendidus y prósimus pasus.

**Reunion rimotu di kumite Skular di Boston  
Zoom**

*(kuarta-fera, 14 di Setenbru di 2022)*

Sr. Cardet-Hernandez pergunta kuandu ki lideransa di BPS resebi um raskunhu di terseru relatóriu. Dr. Echelson fla me odja um prujetu di relatóriu a dos ou tres semanas ki inda ka foi fetu. E manifesta um sentidu di urjensia pa ki dukumentu fosi rapidamenti fetu.

Sr. Tran spresa priokupasons sobri autonomia skular. E pidi ki School Committee fosi nutifikadu sobri kestons legal na inisiu di prusesu.

## APROVASOM DI ATA DI RIUNION

**Aprovadu** – xamada nominal, kumité aprova pa unanimidadi ata di reunion di kumite skular: 13 di Julhu di 2022; 10 di Agostu di 2022; y 31 di Agostu di 2022.

## RELATÓRIU DI SUPERINTENDENTI EM FUNSON

*Sima preparadu pa intrega.*

Obrigadu, Madame Chair. Ntem prazer di djunta a nhos es noti. Nkre kumresa es noti ta aborda um tema ki sta na menti di tudu luz di insidenti na Burke High School na segunda fera. Nkre ser klaru: violensia di kualker tipu ka ten kualker lugar na nos skolas. Kuze ki kontisi na Burke e inaseitavel y nu debi, komu sidadi interu, trabadja em konjuntu pa ivita insidentis sima keli. Na BPS, nu fazi investmentus signifkativus pa apoia nos jovens a lida ku trauma di ultimus anus. Nu ten asistenti susial skular na kada skola y 9 asistenti susial distrital pa apoia tanbe. Kresimentu di kapasidadi di trabadju susial permitinu ser proativus y furnesi apoia a triajen en konjuntu ku ajensias sediadus na sidadi, tal komu ividensiadu pa nos respostas a insidenti ki pasa na Burkle. Nu konsigi da resposta ku asistentis susial distrital y kulabora y pa apoia sforusu ku prujetu diretu y Ikipa di traumatizason di Bairro. Keli e nos prátika kumun pa apoia alunus, staff y famílias. Nu sa kontinua tanbe ta fazi investmentus na seguransa di idifius sima kes milhon na kamara di seguransa ki ta bem ser atualizadus es anu - ta da prioridadi a alguns skolas ki mesti di atualizasons imidiatus y ta pasa dipos pa um kalendáriu di atualizason previzivel di munti anu pa distritu interu. Seguransa di nos alunus y di nos staff ta kontinua ta ser nos prinsipal prioriadi - nsta gratu a staff di skola ki sta na terenu tudu dia ta apoia nos jovens. Ka e um trabadju fasil, ma oia nos alunu ta prospera ta fazi kon ki tudu bali pena.

Sima nhos tudu sabi, keli e nha ultimu runion komu superitendenti em izersisiu. Nsta uma intuziasmadu (Parsem ka teni niguem mas intuziasmadu du ki mi) na akolhi Mary di volta a BPS. Nu sta em konstanti kumunikason y nsta konfianti ki e ta bem konduzi ku konpaixason, alegria y amor pa nos alunus y pa nos trabadju. Primeru dia di Superitendenti Skipper di volta a BPS ta bem ser 26 di Setenbru. Se primeru runion komu superitendenti di School Committee ta bem tem lugar na Kuarta-fera, 28 di Setenbru.

Nfika intuziasmadu pa resebi otu bes nos pesual y alunus na semana pasadu y kel semana li ku nos alunus mas novus. Nkre agradesi tudu nos ikipa izekutivu, lideris skular, profesorís, paras, infermerus, pesual di kustódia, munitoris y munitoris di autokarus, pesual di kafetaria y ikipa sentral di BPS pa tudu se trabadju ardu pa garanti um bom inisiu di anu letivu. Antis di anu

**Reunion rimotu di kumite Skular di Boston  
Zoom**

***(kuarta-fera, 14 di Setenbru di 2022)***

letivu, nu trabadja ku Sentru dei Riengajamentu pa txiga a alunus ki tinha stadu kronikamentu auzentis. Dezenas di voluntarius konku na porta y e stika mon a alunus pa garanti ki kes li ta baba skola. Es investiga sesons di Dorchester, Roxbury y Jamaica Plain di sidadi. Es konku na 166 porta y es txiga a 77 famílias durante se alkansi. Na primeru dia di aulas nten ki partilha ki tevi tantu alegria y inpetu kuandu alunus volta pa ses salas di aula. Nu kumesa dia na pátiu di autokarus y nu kontinua ti Forest Hills pa nu kontra ku inbaixadoris BPS orange line ki staba na frenti di árias di maior tráfico pa kunprimenta y orientas alunus. Pur fim, nstaba na Mattahunt School ku prezidenti di kaara Wu, Prezidenti di BTU Jessica Tang, Prezidenti Jeri Robinson, y otus pa distribui lápis y kunprimenta alunus na primeru dia di aulas. Sta na Mattahunt trazi tantu aligria. Tinha música, dansa, aplausus y ti um tapeti bremedju. Alunu sa xintiba intuziasmadu pa sta di volta a skola. Na primerus di dias di skola, min vizita tanbe skolas Taylor, Ellison, Mildred Ave, Mendell, y PA Shaw, djuntu ku Boston Arts Academy y Hernandez Dual Language School. Foi maravilhozu odja nos alunu di volta a sala di aula pruntu a preni. Na vizita Mendell, ntevi oportunidadi di vizita spanson di 6º anu organizadu pa nos parserus na YMCA. Foi ótímu odja alunus y pesual ta instala na ses novu kaza y nu sta gratis a YMCA pa ter asusiadu a nos. Munti di menbrus di nos ikipa izekutivu foi vizita skolas na distritu interu, alguns ku nos parserus na kamara munisipal. Y finalmenti, foi ótímu sta na Boston Arts Academy y odja exsitason di alunus pasta novu idifisiu, ma tanbe odja surpresa di Big Papi y Celtics Grant Williams. Ki inisiu maravilhozu pa nos anu letivu . obrigadu mas um bes a tudu kes ki trabadja tantu pa akolhi tudu nos alunus di volta a skola.

Mes di patrimoniú spániku ta kumesa manha y ta bem kontinua ti 15 di Outubru. Nos divizon di Stratejia di Ikuidadi y Lakunas di oportunidadis ta bem djuda a plania atividadis pa mes. Durante semana di 3 di Outubru, ta bem tem um konkursu di liseu latinx djuntu ku iventus ki sta previstus pa dias 13 y 14 di Outubru.

Nos gabeti di involvimentu kumunitáriu ta bem fasilita dos runions virtual pa partilha ku famílias sima nu sta preparadus pa akolhi alunus di volta a skola. Kes li foi prumividus atraves di robocalls, mensajens, e-mails, y buletin infurmativu semanal di pais. Serka di 1000 pais sisti sesons y tevi pusibilidadi di interaji diretamenti ku menbrus di ikipa di lideransa di BPS pa obtem respostas a ses perguntas sobri protokolus COVID-19, infurmason sobri transportis, Idukason spesial y mutu mas. Novu linha di Ajuda di BPS ta apoia ativamente famílias através di pruseseu di regresu a aulas. Ikipa, ki inda sta ta kontrata, rejista kuazi 2457 xamadas y e-mails, tantu di entrada komu di saída, ku maioria di kumunikasons na ultimus dos semanas sobri atribuison, transporti, asesu Aspen y disblokeiu di Chromebook.

Nkre rekupera Diretora di transportis Del Stanislaus y se ikipa, ki tem trabadjadu sem para pa aborda kestons di transporti y inuvason trabadjandu na ladu di prezidenti di kamara, y di tudu kes otus parserus involvidus. Nos prinsipal priokupason e garanti ki nos alunus y pesual tem um meu di transporti ki ta lebas pa skola em seguransa. Nu tem vindu a munituriza nos numerus di transporti di sedu y di noti. Leba nos alunus em seguransa a skola di sedu y divolves pa kaza na final di dia e fundamental pa nos mison di garanti ki kada alunu ta resebi kuze ke mesti pa tem susesu. Ora di xegada di nos autokarus antis y dipos di ora di kanpainha kontinua ta midjora, sima podi odjadu na dadus di ekrã. Nu sa kontinua ta fazi midjoras na nos operasons y a respondi a nesetidadi di transporti di famílias na distritu interu. Frekuensia manti stavel durante primerus dias di anu letivu. Nu staba na 78 porsentu na dia um, 81 pur sentu na dia dos y tres.

*(kuarta-fera, 14 di Setenbru di 2022)*

Na dia 8 di Setenbru, primeru dia di aulas, nu aprezena segundu konjuntu di rezultadus komu parti di Planu di Melhoria sistemátiku. Kes dukumentus li ta kunpri nos segundu konjuntu di konpromisus relasionadus ku seguransa di Alunus, Instalasons, Transporti y Dadus. Tudu prudutus ki nu submeti podi ser atxadus na site di BPS na [www.bostonpublicschools.org/strategicprogress](http://www.bostonpublicschools.org/strategicprogress). Ikipa distrital ta kontinua ta kulabora ku pesual di DESE di nível superior pa reve se feedback y fazi ajustamentus a midida ki nu ta kontinua ta kulabora nes trabadju di sistemas kritikus. Odjandu pa futuru, nu ta bem resebi rekumendasons di análizis sternus relasionadus ku idukason spesial, Transporti y seguransa di alunus nes Outonu, y nu ta bem aprezena planu stratéjiku pa alunus multilingi. Nu sa aguarda ku spektativa y involvimentu ku kumunidade BPS mas vastu en tornu di kes rekumendasons li, a midida ki nu ta plania futuru.

Pur fin, keli e nha ultimu runion di School Committee di superitendenti Interinu. Nkre agradezi tudu kes ki djudan duranti es viajen. Ten sidu um onra fazi parti des ikipoa di BPS y djobi trabadju ki sta ta kontisi. Nten um orgulhu nutável na sirvi kriansas y famílas di Boston, inbora nsabi ki organizason debi fazi mutu mas pa inpulsiona um midjora aseleradu. Forma komu kada menbru di nos ikipa ta sentra ses lentis na famílias y furnesi midjor apoiu pusivel ten sidu inspirador pa mi. Nu tem ki konstrui sistemas di apoiu y responsabilizason na BPS interu. Nta bem kontinua ta trabadja ku Superitendenti Skipper pa djuda a molda se vizon pa distritu y pa garanti ki nu prugridi na forma modi ki nos sistema furnesi apoiu y nu ta responsabiliza pa melhorias ki kuletivamente nu vislunbra. Nsabi ma tem munti konversas difisil pa frenti y nta das boas pamo nta intendi ma nu mesti tenes pa repara erus di um sistema injustu. Ta bem ser nesesaríu pa nos nu trabadja tudu djuntu pa atinji nível di kualidadi, exselensia y opurtunidade ki nos alunus meresi. Obrigadu pa opurtunidade debi sirbi alunus y famílias di Skolas publiku di Boston nes funson. Nsta intuziasmadu pa kontinua a sirbi na nha novu papel y pa akolhi Mary na so 11 dias, nau kin sta ta konta. Keli ta konklui nha relatóriu di Superitendenti es noti.

Keli e nha rilatóriu di nha superintendente pa és noti.

---

Sra. Robinson agradezi a Dr. Echelson pa se lideransa duranti es periudu interkalar kritiku.

Sr. Cardet-Hernandez agradezi a Dr. Echelson pa se servisu y lideransa duranti es tenpu kompleksu. Pidi um atualizason sobri eskases di staff. Dr. Echelson fla ma tem aprosimadamenti 180 vagas pa profesor, ku sinku ou seis skolas a karega karga mas pziadus di vagas. Postus sientifikus sekundárius e vagus mas kumuns. Staff di Central office ten sidu destakadu pa apoia skolas. Puzisons di sekretárius skularis e tanbe kritikus a prienxi. Sr. Cardet-Hernandez inkuraja distritu a komunika ku famílias inpaktadu y a splora stratéjias kreativus pa prienxi vagas kritikus.

Sra. Lopera pergunta sobri inpaktu di inseramentu di Orange Line na alunus y nas famílias. Dr. Echelson rekunhesi ki, inbora grandi maioria di alunus steja a txiga a skola a tenpu, ten avidu alguns dizafius signifíkativus, partikularmenti ku autokarus di tardi. Staff di transportis sta ta trabadja pa rezolvi es kestons. E fla ma dadus sujiri ki BPS sta ta avansa na direson serto en termus di midjora dizenpenhu em termus di tenpu. Diretora di transportis Del Stanislaus konkorda y agradezi a se ikipa pa se arudu trabadju. Dr. Echelson fla ma funsionárius di DESE rekunhesi ki enseramentu di Orange Line ta bem tem pruvavelmenti inpaktu pontual di BPS duranti primeru mes di aulas.

**Reunion rimotu di kumite Skular di Boston**  
**Zoom**

*(kuarta-fera, 14 di Setenbru di 2022)*

Sr. O'Neill papia sobri inpurtansia di relasons ora ki ta tratadu di seguransa skular. Dr. Echelson infatiza ki skolas e seguros. Superintendenti adjuntu di operasons Sam DePina fla ma staff sta ta reve y atualiza protokolus di seguransa y prupursiona furmason adisional a funsionáriu. Sr. O'Neill pergunta sobri revizon di seguransa ki sta ta ser rializadu pa Council of Great City Schools (CGCS). Dr. Echelson splika ki, komu parti di planu di melhoramentu sistémiku, CGCS sta ta audita tres árias di trabadju, inkluidu seguransa skular. CGCS sta ta konsentra na protokolus, sistemas y struturas, y na apoius a alunus ki sta dispunível na distritu. CGCS sta ta reve dukumentus, intrivista partis interesadus, y ta bem fazi um konjuntu di rekumendasons.

Sr. Cardet-Hernandez pidi lideransa distritial pa akonpanha data ti kual BPS debi komunika ku famílias di alunus ki ka ten um profesor permanenti. E pidi um atualizason mas robustu di pesual na prósimu runion. Xefi Interniu di Kapital Umanu, Rae Catchings, fla ma e ta bem trabadja em kulaburason stritu ku Superitendenti Skipper pa furnesi Kumite um atualizason robustu.

Sra. Polanco Garcia pergunta sobri sforsus pa midjora kualidadi di ar na skolas, bem komu sobri kualker planus di tendas pa akumoda alimentason a ar livri. Superitendenti adjuntu di operasons Sam DePina fla me ta binha furneseba um lista di skolas ku tends ou filtrus di ar.

Sra. Robinson fla me obi kumentáriu puzitivus di munti kumunidades skularis kis ta felis pur ter ar kondisionadu resentmentu instaladu na ses idifisius.

***Aprovadu*** - na xamada nominal, Kumite unanimamenti aprova rilatóriu di Supertendenti.

## KUMENTÁRIU DI PUBLIKU EN JERAL

- Michael Heichman, rizidenti di Dorchester, menbru di Boston Education Justice Alliance, tistimunha a respetu di um variedadi di kestons idukasional.
- John Mudd, rezidenti na Cambridge, tistimunha a respetu di falhas di rializason, diversidadi di profesor is y asesu a língua nativu.
- Lisa Jeanne Graf, rezidenti na fenway y pais di Quincy Upper School, tistimunha a respetu di falhas di rializason, diversidadi di profesor is, y asesu a língua nativu.
- Ruby Reyes, rizidenti di Dorchester, diretora izekutiva di Boston Education Justice Alliance, tistimunha a serka di riabertura di skola.
- Sharon Hinton, rizidenti y difensora di Hyde Park tistimunha sobri seguransa y transporti

Sigintis algen tistimunha ku priokupasons relativamenti a fuzon prupostu entri skolas primáriu Sumner y Philbrick:

- Elizabeth Ferrenz, rezidenti na Roslindale y mai di Sumner
- Alison Friedmann, rezidenti na Roslindale y mai di Sumner
- Jess Manna, rezidenti na Roslindale y mai di Sumner
- Laprema Dunn, rezidenti na Roslindale y mai di Sumner
- Rachel Young, rezidenti na Roslindale y mai di Sumner
- Lauren Peter, rezidenti na Roslindale y mai di Sumner

(kuarta-fera, 14 di Setenbru di 2022)

## ITEM DI ASON

**Aprovadu** - na xamada nominal, Kumité aprova pur unanimidadi subisidius pa aprovason na total di \$959,498.

## RILATÓRIU

Akordu pruvizóriu di Negusiason Kuletivu entri Kumité di Skola di Boston y Sindikatu di Prufisoris di Boston - Konselhera Sénior Megan Costello furnesi um vizon jeral di akordu pruvizóriu entri Skolas Publiku di Boston y Sindikatu di Prufisoris di Boston (BTU) relativamenti a akordu di negusiason kuletivu pa anus letivus 2021-2024. Akordu negusiadu ta konten um konjuntu di karakteristikas ki ta apoia rezultadus fortis pa alunus, inkluindu rekrutamentu y retenson di mon-di-obra diversifikadu y talentozu, lisensa parental pagu, renbolsu di prupinas, konputadoris purtátil y aumentu di taxa di kubertura pa paraprufisional. Akordu ta sentra profundamenti na sirbi alunus mas vulnerável di distritu komu um revizon kompletu di língua di inkluzon di kontratu. Nova língujen kontratural ta da distritu oportunidadi di trabadja em kulaburason ku parserus sindikal na kel trabadju inpurtanti li. BTU ratifika kontratu oji. School Committee sta ajendadu pa vota na akordu y um pididu di dutason suplementat FY23 a Konselhu Munisipal di Boston na dia 28 di Setenbru.

Sra. Lopera pergunta modi ki grupu di trabadju di inkluzon diliniadu na akordu ta bem inkurpora involvimentu di kumunidadi. Sra. Costello fla ma grupu di Trabadjo sobre inkluzon e so um forma di BPS ter vos kumunitáriu y famíliar, ta akresenta ki Prezidenti Robinson ta ba da a konxi detalhis di grupu di trabadju na prósimus semanas. E observa ma administradoris foi inkluidus na prusesu.

Sr. Cardet-Hernandez ilujia alterasons a língua di kontratu relativamenti a alunus ku difisiensia. E pergunta sobri krunulojia di inplementason di inkluzon ki Sra. Costellosplika ki ta bem varia di akordu ku skola. Sr. Cardet-Hernandez fazi um série di perguntas sobri inplemetason y duplu lisensiamentu ki foi respondidus pa pesual distrital. E altera pa konsekuensias nau intensional. Sub-superintendenti Adjuntu di Akadémikus Dra. Linda Chen y Diretora Izekutivu di Idukason Spesial Lauren Viviani riafirma konpromisu di distritu na poi alunus na ambienti menus restritivu, uzandu autonomia pa kria invuason, ta apoia y pruteji au mesmu tempu alunus.

Sr. O'Neill pergunta sobri inpaktu finanseru di akordu pruvizóriu. Pa FY22, tudu kustus sta em rezerva. Pa FY23, superitendenti ta bem sulisita ki Kumité aprova um aumentu suplementar di \$37,674,337. Pa FY24, aumentus di kustus ta bem ser inkorporadus na pruposta di orsamentu ki nu aprezentadu a Kumite skular a 1 di Fevereru di 2023 pa nos prusesu di planiamentu orsamental 2023-2024. Kustu total di kontratu di tres anu e di \$141,651,361. Sr. O'Neill agradezi a Prezidenti Robinson pa se profundu involvimentu na negusiasons di negusiason kuletivu.

Sr. Cardet-Hernandez infatiza inpurtansia di inplementa stratéjias fortis di rekrutamentu y retenson pa prumovi um forsa di trabadju forti.

## KUMENTÁRIU PUBLIKU SOBRI RELATORIUS

Reunion rimotu di kumite Skular di Boston  
Zoom

*(kuarta-fera, 14 di Setenbru di 2022)*

Ninhun.


## NOVU NEGOSIU

Dr. Echelson anunsia ki Sindikatu di Prufisoris di Boston ta bai rializa se fera anual di livru na sedi di BTU na Dorchester na dia 24 di Setenbru. Boston Public Health Commission sta ta fazi un klinika di vasinason y reforsu grátis na dia 17 di Setenbru na White Stadium.

## ADIAMENTU

*Apruvadu* - Pa volta di 09:56 pm Kumite vota ku unanimidadi , pa xamada nominal adiamentu di runion.

Atestadu:



Elizabeth Sullivan  
Sikretária Izekutiva